

东岳大生宝忏

东岳大生宝忏，原不署撰人。据考应为元代道士所作。一卷，收入《正统道藏》洞玄部威仪类。内称东岳天齐大帝奉行天令，宰御阴司，知人寿之长短，掌管三十六狱以惩治凶恶。世人应至心朝礼大帝，忏悔身口心三业，并敬礼大帝下属仙官神灵，以祈消除罪愆，记名长生之籍，人人得保安和，九祖齐仙，十方共庆。其忏悔斋仪主要有净坛、三皈依、诵咒、步虚、散花、三启三礼、礼经、十二愿等法事。《万历续道藏》所收《元始天尊说东岳化身济生度死拔罪解冤保命玄范玄诰咒妙经》，其内容与本书类似。

- [東嶽大生寶懺-繁体](#)
- [东岳大生宝忏-简体](#)

東嶽大生寶懺-繁体

淨天地咒淨壇

啟白

香騰端靄，溶溶徧滿於太虛；人秉精誠，翼翼敢違於咫尺。恭焚寶香，上啟供養，東嶽泰山青帝廣生帝君，東嶽天齊大生仁聖帝，九天司命上卿真君，上殿至聖威雄炳靈仁惠王，東嶽淑明皇后，護國西齊大王，蓬玄空洞洞天仙官，長白山儲副仙官，梁父山儲副仙官，聖嗣祐靈侯惠靈侯靜鑑大師宣靈侯，四嶽四天聖帝，左右上相張康二大聖，顯應千聖小王地府崔府君，高里丈人增福相公，昭惠靈顯王，護國顯應王，清源妙道真君，義勇武安王崇寧真君，護國嘉應公河靈派侯，六部尚書、善部尚書、惡部尚書，六曹卿監鎮殿二將軍，左右金吾衛將軍，三元吳客三侯真君，左右二闕神白驃大王，地祇主令溫元帥，地祇院九大元帥，追魂朱太尉，協真侯劉元帥，七十五司判官、二十四案主者，三十六洞天仙官、七十二福地仙官、靖廬福地治化仙官，岱嶽朝班聖眾，今年太歲一神君靈濟侯高都督，天下都大城隍主者，九州社令神祇，年月日時四直功曹，屬府州縣祀典廟貌神祇。悉仗真香，普同供養。香乃紫虛鬱秀，靈風聚煙，香雲密羅，徑御洞天。當願香官使者，為臣通奏，上聞帝前。令臣所啟，咸賜如言入意，具諸情悃，已露敷宣。伏望雲擁旌旗，離虎關而下邁；風清警蹕，聽鸞輅之和鳴。森羅百辟以驂隨，環列千官而扈從。齊臨塵陋，俯察精純。今則蘭場潔備，寶炷濃熏，對越聖真，宣揚懺法。稽首皈依，無極大道。

舉三皈依

志心皈依，十方道寶。當願眾生起心回向，一切信禮。

志心皈依，十方經寶。當願眾生心開悟解，受持轉誦。

志心皈依，十方師寶。當願眾生普上法橋，無有障礙。

啟白

臣聞：渾淪未判，渺一炁以無垠；高下既陳，奠三才而有象。地爰分於五嶽，權莫重於泰山。標雄齊魯之邦，作鎮角亢之分。虞朝歲狩，禮重燔柴。周世時巡，禮嚴用幣。是宗是仰，無比無倫。恭惟東嶽天齊大生仁聖帝。應乎造化，生於混沌之初；立自陰陽，鎮彼幅員之域。與天齊久，大德日生。仁以得仁，體乾元之發育；聖而益聖，居泰岱之喜嶢。五方端處於東方，三界獨尊於中界。奉行天令，宰御陰司。阿閣石閭，維神居之淵默；金篋玉策，知人壽之短長。設七十五司，以掌權衡；有三十六獄，以懲兇惡。永綏邦社，大庇民區。國家致祭於歲時，率土來朝於春月。聰明正直，有欲必從。炁焰威靈，無遠弗屆。凡伸祈禱，諒沐慈憐。是以潔蓬華之塵居，建香花之法會。拜手稽首，具瞻咫尺之威容；皈命投誠，期滌萬生之罪垢。洋乎如在，感而遂通。法眾虔誠，稱揚讚詠。

眾誦

仰啟天齊仁聖帝，五嶽最巨岱為宗。

分掌世界人間事，炁鍾神秀儼居東。

截彼泰山高且大，四千九百丈汝空。

山頂名為太平頂，捨身臺與介丘峰。

仁安殿宇琉璃瑩，冠冕巍然御正中。

上古帝王修封禪，升中告代勒成功。

七十二君名具列，始自軒轅得上封。

碑碣猶存秦篆刻，水池東列大夫松。

唐皇鏤刻沉香像，宋室建置會真宮。

國朝混一加尊禮，大生二字侈褒崇。

至仁至聖為民極，時雨時暘相歲豐。

傾倒虔恭皈命請，遙瞻雲闕禮慈容。

和不可思議功德。

舉三信禮

信禮，高上九炁天中東方靈寶天尊。

信禮，高上九炁天中青靈始老天尊。

信禮，高上九炁天中東華上相天尊。

臣聞：嶽居巽艮之間，主司考校；人處乾坤之內，動結愆尤。嚴簡冊以必書，雖毫分而無失。伏念求懺弟子某等，浮生寄世，托廕為人。身體髮膚，受之父母；耳目鼻口，全爾形神。是為萬物之靈，均稟五行之秀。經年累月，積日踰時。過咎若於丘山，善念微於塵露。罪根難滅，惡貫易盈。不知禳謝之門，莫曉首陳之路。靜思其故，何以自文。茲悔過以省愆，庸俯躬而請命。謹涓穀旦，傾向葵誠。爐焚芬馥之清香，燭秉輝煌之朱焰。扣鐘擊磬，聲相應於步虛；酌水獻花，禮不逾於誠實。祭效西鄰之禴，拜投東嶽之尊。用贖前非，期消宿業。敬憑懺悔，並乞宥原。法眾虔誠，皈依讚禮。

舉人各恭敬眾和各一拜

志心朝禮，統御東方尊臨泰嶽青靈儲粹。儼然石像之威嚴，玉冊進封；加以帝君之謚號，廣生褒美。亙古垂休，大悲大願，大聖大慈，東嶽泰山青帝廣生帝君。

志心朝禮，含德體仁，鎮茲東夏。岱宗稱長，統三宮空洞之天；福地推權，治鬼神考謫之府。祀爰崇於帝制，位乃主於玄枵，大悲大願，大聖大慈，東嶽天齊大生仁聖帝。

志心朝禮，自幼捨家，遍遊叅訪。受太一天尊之記，得道冲昇；降司命真君之名，同會糾察。居治霍山司命府，渙膺東嶽上卿封。大悲大願，大聖大慈，九天司命上卿賜福佑聖真君。

志心朝禮，炁孕嶽靈，裔流天派。坤元合德，備仁孝以兼全；帝夢傳宗，謂威雄之可愛。為儲宮之主器，受王爵之疏封。大悲大願，大聖大慈，上殿至聖威雄炳靈仁惠王。

志心朝禮，東嶽淑明皇后。

志心朝禮，護國西齊大王。

志心朝禮，蓬玄空洞洞天仙官。

志心朝禮，長白山儲副仙官。

志心朝禮，梁父山儲副仙官。

志心朝禮，聖嗣祐靈侯。

志心朝禮，聖嗣惠靈侯。

志心朝禮，聖嗣靜鑑大師。

志心朝禮，聖嗣宣靈侯。

志心朝禮，南嶽司天大化昭聖帝。

志心朝禮，西嶽金天大利順聖帝。

志心朝禮，北嶽安天大真玄聖帝。

志心朝禮，中嶽中天大寧崇聖帝。

眾誦咒

青玄真布，元品洞靈。扶桑總衛，始生元英。丹林散明，育質生英。混合玄景，消制魔羣。

志心朝禮，奄有大東，東嶽天齊大生仁聖帝。

志心朝禮，羣嶽之長，東嶽天齊大生仁聖帝。

志心朝禮，峻極于天，東嶽天齊大生仁聖帝。

志心朝禮，齊同慈愛，東嶽天齊大生仁聖帝。

志心朝禮，含弘光大，東嶽天齊大生仁聖帝。

志心朝禮，覆被羣生，東嶽天齊大生仁聖帝。

志心朝禮，一視同仁，東嶽天齊大生仁聖帝。

志心朝禮，惟睿作聖，東嶽天齊大生仁聖帝。

志心朝禮，尊號為帝，東嶽天齊大生仁聖帝。

禮足各長跪皈命懺悔

臣法眾等志心皈神，皈身皈命，東嶽泰山廣生帝君、天齊大生仁聖帝，九天司命真君，至聖炳靈王，岱嶽朝班真宰，一切威靈。臣聞：嶽爾真形，兀若尊安之勢；身為大幻，寧無踐履之乖。恭望聖慈，洞垂巨澤，普降洪恩。懺悔今辰信士某等，億劫以來，立身之後，戴天履地，負陰抱陽，螳聚而居，蠅營是務。周旋進退，無片善之可書；出入起居，聚百非而弗覺。或觸突於眾聖。或裸露於三光。背禮而行，非義而動。高車大馬，馳騁於名利之途；細葛輕裘，服玩過奢華之麗。行多隱僻，分外營求。徒受一形，罔知三省。積成罪咎，無量無邊。伏願眾聖流恩，羣真錫祉。以仁及物，解身業之縈纏；保命延年；俾罪山之摧弭。更祈洪應，均及含生。臣等志心稽首，禮謝無上至真道寶。

大聖道寶天尊

皈依無上道，大羅三境尊。懺悔諸善信，願消身業愆。四非皆克去，見善日能遷。檢身若不及，福祿自延年。

消除身業天尊

眾誦咒

盛德在木，上應歲星。五嶽之祖，天帝之孫。日在於東，為天之門。靄郁紛紛，喜炁網緼。

志心朝禮，在東象日，東嶽天齊大生仁聖帝。

志心朝禮，四嶽所宗，東嶽天齊大生仁聖帝。

志心朝禮，溥博如天，東嶽天齊大生仁聖帝。

志心朝禮，九炁齊并，東嶽天齊大生仁聖帝。

志心朝禮，大而化之，東嶽天齊大生仁聖帝。

志心朝禮，好生惡殺，東嶽天齊大生仁聖帝。

志心朝禮，薰然慈仁，東嶽天齊大生仁聖帝。

志心朝禮，聰明聖智，東嶽天齊大生仁聖帝。

志心朝禮，合地日帝，東嶽天齊大生仁聖帝。

禮足各長跪皈命懺悔

臣法眾等志心皈身，皈神皈命，東嶽泰山廣生帝君、天齊大生仁聖帝，九天司命真君，至聖炳靈王，岱嶽朝班真宰，一切威靈。臣聞：維嶽降靈，大闡慈悲之造；舉心運念，即為禍福之門。恭望聖慈，洞垂巨澤，普降恩休。懺悔某爰從往昔，以迄于今。六鑿相攘，七情不節，巧生計較，恣起貪婪。欲縱所之，肆荒淫而無度；德忘攸好，唯富貴之是求。放僻邪侈無弗為，忿懣恐懼不得正。護己之短，挫人所長。妬賢嫉能，自昧靈臺而罔覺；稜孤弱寡，素為閭室之可欺。以偽雜真，得新忘故。懵然方寸、未悟九思。結靄滋多，難名難述。伏願聖帝垂慈，真靈洞鑒。上孚仁意，赦諸心業之愆；下遂人情，熙若春臺之樂。更祈洪應，均及含生。臣等志心稽首，禮謝無上正真經寶。

大聖經寶天尊

皈依無上經，三十六部尊。懺悔諸善信，願消心業愆。常清亦常靜，自然慾不生。內外俱貞白，永保道心寧。

消除心業天尊

眾誦咒

巖巖泰山，總制羣靈。受天明命，主宰人倫。其位則東，其德則仁。萬物資始，功濟生民。

志心朝禮，盛於東方，東嶽天齊大生仁聖帝。

志心朝禮，冠五嶽首，東嶽天齊大生仁聖帝。

志心朝禮，維天則靈，東嶽天齊大生仁聖帝。

志心朝禮，變化齊一，東嶽天齊大生仁聖帝。

志心朝禮，能成其大，東嶽天齊大生仁聖帝。

志心朝禮，與生俱生，東嶽天齊大生仁聖帝。

志心朝禮，顯仁藏用，東嶽天齊大生仁聖帝。

志心朝禮，乃聖乃仁，東嶽天齊大生仁聖帝。

志心朝禮，以德而帝，東嶽天齊大生仁聖帝。

禮足各長跪皈命懺悔

臣法眾等至心皈身，皈神皈命，東嶽泰山廣生帝君、天齊大生仁聖帝，九天司命真君，至聖炳靈王，岱嶽朝班真宰，一切威靈。臣聞：嶽鎮山川，妙無聲而無臭；口宣言語，多有是以有非。恭望聖慈洞垂巨澤，普降洪恩。懺悔某等粵自宿生，至于今日，華言綺語，利口惡聲，闊論高談，狂歌浪笑。沉酣麴蘖，從耽樂以無厭；食啗葷腥，謂肥甘之不足。或呵風而叱雨。或怨暑以咨寒。慢道諂神，輕儒毀釋。掉三寸舌，咨離間於六親；欺一片心，鬥是非於兩處。華言惑眾，誇富欺貧，每憑駟舌，莫謹三緘。稔積深愆，濯髮難數。伏願聖帝矜憐，真靈惻憫。德音宣布，冀口業之蠲除；寰宇清寧，獲教聲之漸被。更祈洪蔭，均及含生。臣等志心稽首，禮謝無上正真師寶。

大聖師寶天尊

皈依無上師，人天得道尊。懺悔諸善信，願消口業愆。如瓶能謹守，一語訂千金。言滿無口過，皆足清靜音。

消除口業天尊

舉步虛旋行躡雲綱

散花

臣聞：為善為惡，固難昧於神明；降福降殃，乃各司於曹局。六合內外，萬物洪纖。凡有氣形，悉歸統隸。列錄過紀功之職，設掌生注死之官。總括幽明，典司民物。今求懺信士某等身居塵網，生係凡根。向平時，見義而不為；謂小惡，無傷而弗去。釀成眾罪，慮有百殃。爰仗至誠，仰祈丕應，導將來之福祉，謝已往之愆尤。稽首皈依，虔誠敬禮。

志心敬禮，左右二丞相。

志心敬禮，張康二大聖。

志心敬禮，顯應千聖小王。

志心敬禮，永嘉夫人。

志心敬禮，玉仙娘娘。

志心敬禮，謝恩娘娘。

志心敬禮，地府崔府君。

志心敬禮，蒿里相公。

志心敬禮，增福相公。

志心敬禮，昭惠靈顯王。

志心敬禮，護國嘉應公。

志心敬禮，清源妙道真君。

志心敬禮，義勇武安王崇寧真君。

志心敬禮，護國顯應王。

志心敬禮，河靈派侯。

志心敬禮，六部尚書。

志心敬禮，善部尚書。

志心敬禮，惡部尚書。

志心敬禮，六曹卿監。

志心敬禮，白驪大王。

志心敬禮，左右鎮殿二將軍金吾衛將軍。

志心敬禮，三元吳客三侯真君左右二闕神。

志心敬禮，翊靈昭武使溫元帥。

志心敬禮，順靈昭化使李元帥。

志心敬禮，協靈昭濟使鐵元帥。

志心敬禮，鎮靈昭贊使劉元帥。

志心敬禮，通靈昭佑使楊元帥。

志心敬禮，宣靈昭慶使張元帥。

志心敬禮，廣靈昭惠使康元帥。

志心敬禮，安靈昭應使岳元帥。

志心敬禮，顯靈昭利使孟元帥。

志心敬禮，永靈昭助使韋元帥。

志心敬禮，追魂朱太尉。

志心敬禮，協真侯劉元帥。

志心敬禮，天曹司地府司判官。

志心敬禮，注祿司長壽司判官。

志心敬禮，子孫司官員司判官。

志心敬禮，土地司財帛司判官。

志心敬禮，僧道司絲蠶司判官。

志心敬禮，總統司四生司判官。

志心敬禮，城隍司曹吏司判官。

志心敬禮，齋戒司風雨司判官。

志心敬禮，校量司勾願司判官。

志心敬禮，孤魂司地獄司判官。

志心敬禮，疾病司昧心司判官。

志心敬禮，功德司五穀司判官。

志心敬禮，放生司注福司判官。

志心敬禮，山林司孝順司判官。

志心敬禮，修廟司殺生司判官。

志心敬禮，六道司還魂司判官。

志心敬禮，忠直司驛客司判官。

志心敬禮，照正司毒藥司判官。

志心敬禮，水府司看經司判官。

志心敬禮，醫藥司燒香司判官。

志心敬禮，舉意司速報司判官。

志心敬禮，刑戮司陰謀司判官。

志心敬禮，追魂司發汗司判官。

志心敬禮，注死司惡報司判官。

志心敬禮，法水司枉死司判官。

志心敬禮，陳狀司索命司判官。

志心敬禮，推問司平等司判官。

志心敬禮，鰥寡司走獸司判官。

志心敬禮，門神司忤逆司判官。

志心敬禮，貧窮司貴賤司判官。

志心敬禮，掠剩司水怪司判官。

志心敬禮，山神司促壽司判官。

志心敬禮，姦邪司主禍司判官。

志心敬禮，失魂司飛禽司判官。

志心敬禮，精怪司墮胎司判官。

志心敬禮，冤枉司盜賊司判官。

志心敬禮，減壽司送病司判官。

志心敬禮，鬼魅司判官。

志心敬禮，二十四案主者。

志心敬禮，三十六洞天仙官。

志心敬禮，七十二福地仙官。

志心敬禮，靖廬福地治化仙官。

志心敬禮，火池四聖五道大神。

志心敬禮，岱嶽朝班官典聖眾。

志心敬禮，今年太歲尊神。

志心敬禮，歲分行瘟主火聖眾。

志心敬禮，福山東嶽行宮靈濟侯高都督。

志心敬禮，天下都大城隍主者。

志心敬禮，九州社令之神。

志心敬禮，年月日時四直功曹。

志心敬禮，本府城隍之神。

志心敬禮，屬縣縣隍王者。

志心敬禮，祀典廟貌神祇。

志心敬禮，當鄉界土穀之神。

志心敬禮，今日虛空過往鑒察威靈。

舉消除業障天尊

步虛

臣聞：凡人有過，皆由一念之差；主善為師，可致百祥之降。倘非預防其患，必貽速戾于躬。開以自新，翻然退省。皈依三寶，冀三業之冰消；朝禮眾真，祈眾愆之電掃。六根清靜，萬罪蠲除。故為誤犯之非，自作教他之過。懺前隨釋，拜下咸源。重念臣等緬想靈光，俯傾丹禱。日嚴祇敬，續不懼於再三；天命靡常，福用敷於九五。更錫有孚之惠，可為無過之人。伏願大播仁風，扇業花而殍落；普沾聖澤，滋善果以生成。臣等無任激切，荷恩之至，謹啟以聞。

三啟

三禮

禮經

臣法眾等志心皈命，太上三尊、十方眾聖，禮經如法。

志心稽首禮，太上無極大道。

志心稽首禮，三十六部尊經。

志心稽首禮，玄中大法師。

十二願

一願一人有慶，二願二景齋明，

三願三農樂業，四願四序和平，

五願二五祠鞏固，六願六合澄清，

七願七星蹤照，八願八節安榮，

九願九泉開泰，十願十頻生成，

十一願福流善信，

十二願大道興行。

向來

向來朝修禮懺，並已周圓。回謝東嶽天齊大生仁聖帝，岱嶽一切威靈。伏望聖慈，曲垂洪覆。上願當今皇帝，與天齊壽，祚衍無疆，偃武修文，兵期永息。兆姓歌謠於有道，四方欣樂於太平。陰暢陽舒，時和歲稔。次願求懺信士某等黑簿除永劫之愆，青籍紀長生之字。在在克蒙於元吉，人人咸囿於安和。九祖齊仙，十方共慶。乃至含生品類，均沾成遂之仁；長夜幽魂，俱沐超凌之化。為上因緣，念東方靈寶天尊，青靈始老天尊，東華上相天尊，福生無量天尊。不可思議功德。

东岳大生宝忏-简体

净天地咒净坛

启白

香腾瑞霭，溶溶遍满于太虚；人秉精诚，翼翼敢违于咫尺。恭焚宝香，上启供养，东岳泰山青帝广生帝君，东岳天齐大生仁圣帝，九天司命上卿真君，上殿至圣威雄炳灵仁惠王，东岳淑明皇后，护国西齐大王，蓬玄空洞洞天仙官，长白山储副仙官，梁父山储副仙官，圣嗣佑灵侯惠灵侯静鉴大师宣灵侯，四岳四天圣帝，左右上相张康二大圣，显应千圣小王地府崔府君，高里丈人增福相公，昭惠灵显王，护国显应王，清源妙道真君，义勇武安王崇宁真君，护国嘉应公河灵派侯，六部尚书、善部尚书、恶部尚书，六曹卿监镇殿二将军，左右金吾卫将军，三元吴客三侯真君，左右二阙神白骡大王，地祇主令温元帅，地祇院九大元帅，追魂朱太尉，协真侯刘元帅，七十五司判官、二十四案主者，三十六洞天仙官、七十二福地仙官、靖庐福地治化仙官，岱岳朝班圣众，今年太岁一神君灵济侯高都督，天下都大城隍主者，九州社令神祇，年月日时四直功曹，属府州县祀典庙貌神祇。悉仗真香，普同供养。香乃紫虚郁秀，灵风聚烟，香云密罗，径御洞天。当愿香官使者，为臣通奏，上闻帝前。令臣所启，咸赐如言入意，具诸情悃，已露敷宣。伏望云拥旌旗，离虎关而下迈；风清警蹕，听鸾辂之和鸣。森罗百辟以臻随，环列千官而扈从。齐临尘陋，俯察精纯。今则兰场洁备，宝炷浓熏，对越圣真，宣扬忏法。稽首皈依，无极大道。

举三皈依

志心皈依，十方道宝。当愿众生起心回向，一切信礼。

志心皈依，十方经宝。当愿众生心开悟解，受持转诵。

志心皈依，十方师宝。当愿众生普上法桥，无有障碍。

启白

臣闻：浑沦未判，渺一气以无垠；高下既陈，奠三才而有象。地爰分于五岳，权莫重于泰山。标雄齐鲁之邦，作镇角亢之分。虞朝岁狩，礼重燔柴。周世时巡，礼严用币。是宗是仰，无比无伦。恭惟东岳天齐大生仁圣帝。应乎造化，生于混沌之初；立自阴阳，镇彼幅员之域。与天齐久，大德日生。仁以得仁，体乾元之发育；圣而益圣，居泰岱之喜峤。五方端处于东方，三界独尊于中界。奉行天令，宰御阴司。阿阁石闾，维神居之渊默；金篋玉策，知人寿之短长。设七十五司，以掌权衡；有三十六狱，以惩凶恶。永绥邦社，大庇民区。国家致祭于岁时，率土来朝于春月。聪明正直，有欲必从。气焰威灵，无远弗届。凡伸祈祷，谅沐慈怜。是以洁蓬荜之尘居，建香花之法会。拜手稽首，具瞻咫尺之威容；皈命投诚，期涤万生之罪垢。洋乎如在，感而遂通。法众虔诚，称扬赞咏。

众诵

仰启天齐仁圣帝，五岳最巨岱为宗。

分掌世界人间事，气钟神秀俨居东。

截彼泰山高且大，四千九百丈汝空。

山顶名为太平顶，舍身台与介丘峰。

仁安殿宇琉璃莹，冠冕巍然御正中。

上古帝王修封禅，升中告代勒成功。

七十二君名具列，始自轩辕得上封。

碑碣犹存秦篆刻，水池东列大夫松。

唐皇镂刻沉香像，宋室建置会真宫。

国朝混一加尊礼，大生二字侈褒崇。

至仁至圣为民极，时雨时暘相岁丰。

倾倒虔恭皈命请，遥瞻云阙礼慈容。

和不可思议功德。

举三信礼

信礼，高上九气天中东方灵宝天尊。

信礼，高上九气天中青灵始老天尊。

信礼，高上九气天中东华上相天尊。

臣闻：岳居巽艮之间，主司考校；人处乾坤之内，动结愆尤。严简册以必书，虽毫分而无失。伏念求忏弟子某等，浮生寄世，托荫为人。身体发肤，受之父母；耳目鼻口，全尔形神。是为万物之灵，均禀五行之秀。经年累月，积日逾时。过咎若于丘山，善念微于尘露。罪根难灭，恶贯易盈。不知禳谢之门，莫晓首陈之路。静思其故，何以自文。兹悔过于省愆，庸俯躬而请命。谨涓谷旦，倾向葵诚。炉焚芬馥之清香，烛秉辉煌之朱焰。扣钟击磬，声相应于步虚；酌水献花，礼不逾于诚实。祭效西邻之杓，拜投东岳之尊。用赎前非，期消宿业。敬凭忏悔，并乞宥原。法众虔诚，皈依赞礼。

举人各恭敬众和各一拜

志心朝礼，统御东方尊临泰岳青灵储粹。俨然石像之威严，玉册进封；加以帝君之谥号，广生褒美。亘古垂休，大悲大愿，大圣大慈，东岳泰山青帝广生帝君。

志心朝礼，含德体仁，镇兹东夏。岱宗称长，统三宫空洞之天；福地推权，治鬼神考谪之府。祀爰崇于帝制，位乃主于玄枵，大悲大愿，大圣大慈，东岳天齐大生仁圣帝。

志心朝礼，自幼舍家，遍游参访。受太一天尊之记，得道冲升；降司命真君之名，同会纠察。居治霍山司命府，涣膺东岳上卿封。大悲大愿，大圣大慈，九天司命上卿赐福佑圣真君。

志心朝礼，气孕岳灵，裔流天派。坤元合德，备仁孝以兼全；帝梦传宗，谓威雄之可爱。为储宫之主器，受王爵之疏封。大悲大愿，大圣大慈，上殿至圣威雄炳灵仁惠王。

志心朝礼，东岳淑明皇后。

志心朝礼，护国西齐大王。

志心朝礼，蓬玄空洞洞天仙官。

志心朝礼，长白山储副仙官。

志心朝礼，梁父山储副仙官。

志心朝礼，圣嗣佑灵侯。

志心朝礼，圣嗣惠灵侯。

志心朝礼，圣嗣静鉴大师。

志心朝礼，圣嗣宣灵侯。

志心朝礼，南岳司天大化昭圣帝。

志心朝礼，西岳金天大利顺圣帝。

志心朝礼，北岳安天大真玄圣帝。

志心朝礼，中岳中天大宁崇圣帝。

众诵咒

青玄真布，元品洞灵。扶桑总卫，始生元英。丹林散明，育质生英。混合玄景，消制魔群。

志心朝礼，奄有大东，东岳天齐大生仁圣帝。

志心朝礼，群岳之长，东岳天齐大生仁圣帝。

志心朝礼，峻极于天，东岳天齐大生仁圣帝。

志心朝礼，齐同慈爱，东岳天齐大生仁圣帝。

志心朝礼，含弘光大，东岳天齐大生仁圣帝。

志心朝礼，复被群生，东岳天齐大生仁圣帝。

志心朝礼，一视同仁，东岳天齐大生仁圣帝。

志心朝礼，惟睿作圣，东岳天齐大生仁圣帝。

志心朝礼，尊号为帝，东岳天齐大生仁圣帝。

礼足各长跪皈命忏悔

臣法众等志心皈神，皈身皈命，东岳泰山广生帝君、天齐大生仁圣帝，九天司命真君，至圣炳灵王，岱岳朝班真宰，一切威灵。臣闻：岳尔真形，兀若尊安之势；身为大幻，宁无践履之乖。恭望圣慈，洞垂巨泽，普降洪恩。忏悔今辰信士某等，亿劫以来，立身之后，戴天履地，负阴抱阳，蚁聚而居，蝇营是务。周旋进退，无片善之可书；出入起居，聚百非而弗觉。或触突于众圣。或裸露于三光。背礼而行，非义而动。高车大马，驰骋于名利之途；细葛轻裘，服玩过奢华之丽。行多隐僻，分外营求。徒受一形，罔知三省。积成罪咎，无量无边。伏愿众圣流恩，群真锡祉。以仁及物，解身业之萦缠；保命延年；俾罪山之摧弭。更祈洪应，均及含生。臣等志心稽首，礼谢无上至真道宝。

大圣道宝天尊

皈依无上道，大罗三境尊。忏悔诸善信，愿消身业愆。四非皆克去，见善日能迁。检身若不及，福祿自延年。

消除身业天尊

众诵咒

盛德在木，上应岁星。五岳之祖，天帝之孙。日在于东，为天之门。霭郁纷纷，喜气絪縕。

志心朝礼，在东象日，东岳天齐大生仁圣帝。

志心朝礼，四岳所宗，东岳天齐大生仁圣帝。

志心朝礼，溥博如天，东岳天齐大生仁圣帝。

志心朝礼，九气齐并，东岳天齐大生仁圣帝。

志心朝礼，大而化之，东岳天齐大生仁圣帝。

志心朝礼，好生恶杀，东岳天齐大生仁圣帝。

志心朝礼，薰然慈仁，东岳天齐大生仁圣帝。

志心朝礼，聪明圣智，东岳天齐大生仁圣帝。

志心朝礼，合地日帝，东岳天齐大生仁圣帝。

礼足各长跪皈命忏悔

臣法众等志心皈身，皈神皈命，东岳泰山广生帝君、天齐大生仁圣帝，九天司命真君，至圣炳灵王，岱岳朝班真宰，一切威灵。臣闻：维岳降灵，大阐慈悲之造；举心运念，即为祸福之门。恭望圣慈，洞垂巨泽，普降恩休。忏悔某爰从往昔，以迄于今。六凿相攘，七情不节，巧生计较，恣起贪婪。欲纵所之，肆荒淫而无度；德忘攸好，唯富贵之是求。放僻邪侈无弗为，忿懣恐惧不得正。护己之短，挫人所长。妒贤嫉能，自昧灵台而罔觉；棱孤弱寡，素为暗室之可欺。以伪杂真，得新忘故。懵然方寸、未悟九思。结衅滋多，难名难述。伏愿圣帝垂慈，真灵洞鉴。上孚仁意，赦诸心业之愆；下遂人情，熙若春台之乐。更祈洪荫，均及含生。臣等志心稽首，礼谢无上正真经宝。

大圣经宝天尊

皈依无上经，三十六部尊。忏悔诸善信，愿消心业愆。常清亦常静，自然欲不生。内外俱贞白，永保道心宁。

消除心业天尊

众诵咒

岩岩泰山，总制群灵。受天明命，主宰人伦。其位则东，其德则仁。万物资始，功济生民。

志心朝礼，盛于东方，东岳天齐大生仁圣帝。

志心朝礼，冠五岳首，东岳天齐大生仁圣帝。

志心朝礼，维天则灵，东岳天齐大生仁圣帝。

志心朝礼，变化齐一，东岳天齐大生仁圣帝。

志心朝礼，能成其大，东岳天齐大生仁圣帝。

志心朝礼，与生俱生，东岳天齐大生仁圣帝。

志心朝礼，显仁藏用，东岳天齐大生仁圣帝。

志心朝礼，乃圣乃仁，东岳天齐大生仁圣帝。

志心朝礼，以德而帝，东岳天齐大生仁圣帝。

礼足各长跪皈命忏悔

臣法众等至心皈身，皈神皈命，东岳泰山广生帝君、天齐大生仁圣帝，九天司命真君，至圣炳灵王，岱岳朝班真宰，一切威灵。臣闻：岳镇山川，妙无声而无臭；口宣言语，多有是以有非。恭望圣慈洞垂巨泽，普降洪恩。忏悔某等粤自宿

生，至于今日，华言绮语，利口恶声，阔论高谈，狂歌浪笑。沉酣曲蘖，从耽乐以无厌；食啖荤腥，谓肥甘之不足。或呵风而叱雨。或怨暑以咨寒。慢道谄神，轻儒毁释。掉三寸舌，咨离间于六亲；欺一片心，斗是非于两处。华言惑众，夸富欺贫，每凭驷舌，莫谨三緘。稔积深愆，濯发难数。伏愿圣帝矜怜，真灵怜悯。德音宣布，冀口业之蠲除；寰宇清宁，获教声之渐被。更祈洪荫，均及含生。臣等志心稽首，礼谢无上正真师宝。

大圣师宝天尊

皈依无上师，人天得道尊。忏悔诸善信，愿消口业愆。如瓶能谨守，一语订千金。言满无口过，皆足清静音。

消除口业天尊

举步虚旋行蹑云纲

散花

臣闻：为善为恶，固难昧于神明；降福降殃，乃各司于曹局。六合内外，万物洪纤。凡有气形，悉归统隶。列录过纪功之职，设掌生注死之官。总括幽明，典司民物。今求忏信士某等身居尘网，生系凡根。向平时，见义而不为；谓小恶，无伤而弗去。酿成众罪，虑有百殃。爰仗至诚，仰祈丕应，导将来之福祉，谢已往之愆尤。稽首皈依，虔诚敬礼。

志心敬礼，左右二丞相。

志心敬礼，张康二大圣。

志心敬礼，显应千圣小王。

志心敬礼，永嘉夫人。

志心敬礼，玉仙娘娘。

志心敬礼，谢恩娘娘。

志心敬礼，地府崔府君。

志心敬礼，蒿里相公。

志心敬礼，增福相公。

志心敬礼，昭惠灵显王。

志心敬礼，护国嘉应公。

志心敬礼，清源妙道真君。

志心敬礼，义勇武安王崇宁真君。

志心敬礼，护国显应王。

志心敬礼，河灵派侯。

志心敬礼，六部尚书。

志心敬礼，善部尚书。

志心敬礼，恶部尚书。

志心敬礼，六曹卿监。

志心敬礼，白驃大王。

志心敬礼，左右镇殿二将军金吾卫将军。

志心敬礼，三元吴客三侯真君左右二阙神。

志心敬礼，翊灵昭武使温元帅。

志心敬礼，顺灵昭化使李元帅。

志心敬礼，协灵昭济使铁元帅。

志心敬礼，镇灵昭赞使刘元帅。

志心敬礼，通灵昭佑使杨元帅。

志心敬礼，宣灵昭庆使张元帅。

志心敬礼，广灵昭惠使康元帅。

志心敬礼，安灵昭应使岳元帅。

志心敬礼，显灵昭利使孟元帅。

志心敬礼，永灵昭助使韦元帅。

志心敬礼，追魂朱太尉。

志心敬礼，协真侯刘元帅。

志心敬礼，天曹司地府司判官。

志心敬礼，注禄司长寿司判官。

志心敬礼，子孙司官员司判官。

志心敬礼，土地司财帛司判官。

志心敬礼，僧道司丝蚕司判官。

志心敬礼，总统司四生司判官。

志心敬礼，城隍司曹吏司判官。

志心敬礼，斋戒司风雨司判官。

志心敬礼，校量司勾愿司判官。

志心敬礼，孤魂司地狱司判官。

志心敬礼，疾病司昧心司判官。

志心敬礼，功德司五谷司判官。

志心敬礼，放生司注福司判官。

志心敬礼，山林司孝顺司判官。

志心敬礼，修庙司杀生司判官。

志心敬礼，六道司还魂司判官。

志心敬礼，忠直司驿客司判官。

志心敬礼，照正司毒药司判官。

志心敬礼，水府司看经司判官。

志心敬礼，医药司烧香司判官。

志心敬礼，举意司速报司判官。

志心敬礼，刑戮司阴谋司判官。

志心敬礼，追魂司发汗司判官。

志心敬礼，注死司恶报司判官。

志心敬礼，法水司枉死司判官。

志心敬礼，陈状司索命司判官。

志心敬礼，推问司平等司判官。

志心敬礼，鰥寡司走兽司判官。

志心敬礼，门神司忤逆司判官。

志心敬礼，贫穷司贵贱司判官。

志心敬礼，掠剩司水怪司判官。

志心敬礼，山神司促寿司判官。

志心敬礼，奸邪司主祸司判官。

志心敬礼，失魂司飞禽司判官。

志心敬礼，精怪司堕胎司判官。

志心敬礼，冤枉司盗贼司判官。

志心敬礼，减寿司送病司判官。

志心敬礼，鬼魅司判官。

志心敬礼，二十四案主者。

志心敬礼，三十六洞天仙官。

志心敬礼，七十二福地仙官。

志心敬礼，靖庐福地治化仙官。

志心敬礼，火池四圣五道大神。

志心敬礼，岱岳朝班官典圣众。

志心敬礼，今年太岁尊神。

志心敬礼，岁分行瘟主火圣众。

志心敬礼，福山东岳行宫灵济侯高都督。

志心敬礼，天下都大城隍主者。

志心敬礼，九州社令之神。

志心敬礼，年月日時四直功曹。

志心敬礼，本府城隍之神。

志心敬礼，属县县隍王者。

志心敬礼，祀典庙貌神祇。

志心敬礼，当乡界土谷之神。

志心敬礼，今日虚空过往监察威灵。

举消除业障天尊

步虚

臣闻：凡人有过，皆由一念之差；主善为师，可致百祥之降。倘非预防其患，必貽速戾于躬。开以自新，翻然退省。皈依三宝，冀三业之冰消；朝礼众真，祈众愆之电扫。六根清静，万罪蠲除。故为误犯之非，自作教他之过。忤前随释，拜下咸源。重念臣等缅想灵光，俯倾丹祷。日严祇敬，续不惧于再三；天命靡常，福用敷于九五。更锡有孚之惠，可为无过之人。伏愿大播仁风，扇业花而殍落；普沾圣泽，滋善果以生成。臣等无任激切，荷恩之至，谨启以闻。

三启

三礼

礼经

臣法众等志心皈命，太上三尊、十方众圣，礼经如法。

志心稽首礼，太上无极大道。

志心稽首礼，三十六部尊经。

志心稽首礼，玄中大法师。

十二愿

一愿一人有庆，二愿二景斋明，

三愿三农乐业，四愿四序和平，

五愿二五祠巩固，六愿六合澄清，

七愿七星踪照，八愿八节安荣，

九愿九泉开泰，十愿十频生成，

十一愿福流善信，

十二愿大道兴行。

向来

向来朝修礼忏，并已周圆。回谢东岳天齐大生仁圣帝，岱岳一切威灵。伏望圣慈，曲垂洪复。上愿当今皇帝，与天齐寿，祚衍无疆，偃武修文，兵期永息。兆姓歌谣于有道，四方欣乐于太平。阴畅阳舒，时和岁稔。次愿求忏信士某等黑簿除永劫之愆，青籍纪长生之字。在在克蒙于元吉，人人咸囿于安和。九祖齐仙，十方共庆。乃至含生品类，均沾成遂之仁；长夜幽魂，俱沐超凌之化。为上因缘，念东方灵宝天尊，青灵始老天尊，东华上相天尊，福生无量天尊。不可思议功德。